



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

v Gottfridus ein Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Wir aber dörfen nicht viel nach dem höckeren
Creuz Christi vns umbsehen / dann so wir inn
Christo Gottseliglich leben wollen / wirdt sich
sein vnd vnser Creuz wol finden / &c.

Flor
E
iiii
Florianus.

Dieser Florianus ist ein Kriegsmann ge-
west / vnder Diocletiano dem Römischen
Keyser / Diesen halten die Päpstlichen Aber-
glaubigen Leuth / für ihren Nothhelfer im Feu-
wer vñ Brandt / wie sie dann gemeinlich sein
Bildnuß an ihre Häuser / dieselbigē vor Feu-
wer zu bewahren / mahlen.

Firmitianus ist ein Bischoff gewesen zu Ca-
sarea in Cappadocia / In dem er auff das An-
tiochenisch Concilium gezogen / inn welchem
man wider die lästerliche Lehr Pauli Samo-
sateni disputiren / vnd sich mit einander in der
Christlichen Lehr vergleichen solt / ist er auff sol-
cher reiß zu Tarso gestorben / Darvon meldet
Euse. lib. 6. cap. 19. & lib. 7. cap. 25. &c.

Got
F
v
Godefridus.

Wir haben droben von Sanct Gotthardo
gesaget / darumb wollen wir hie von dem
heyligen Märterer Godefrido auch etwas sa-
gen.

Dieser Godefridus Hamellius ist ein Bra-
bender

bender/ auß der Statt Nauella bürtig gewest/
 Diser ist vmb bekandnuß des Euangelij Chri-
 sti willen gefangen/ vnd ein zeitlang im Ge-
 fängnuß erhalten worden/ auß solcher seiner
 Gefängnuß/ hat er an seine gute Freund vnd
 Freundin/ vil tröstlicher Schrifften gethan/ in
 welchen er alle Artickel seines glaubens erkläret/
 vnd bekandt hat/ Dieweil er aber beständiglich
 blieb auff seiner bekandnuß/ ist er als ein Ke-
 ker erkandt vnd zum Feuer verdampt wor-
 den. In dem man ihn zum Gerichte geführet/
 hat er ganz ernstlich zu Gott gebetten/ vnd das
 volck zu warer erkandnuß vermanet/ darüber
 hat fast jederman ein besonder mitleyden ge-
 tragen/ Nach dem er zum Gerichte kommen/
 hat er jederman gesegnet/ vnd williglich ins
 Feuer getreten/ vnd gesprochen: Vatter in
 Ewigkeit/ inn deine Hände befehle ich
 meinen Geist/ Vnd also ist er sanftmütig
 im Herren entschlaffen. Geschehen Tornaci
 22. Julij/ Anno Christi 1552.

Der ist ein Brabender vnd auß der Statt
 Tornauro bürtig/ Augustiner Ordens/
 vnd ein gelehrter frommer Theologus ge-
 wesen/ Er hat wider des Antichristi willen/
 allein

Io
 G
 vj
 Johan
 Castella.